

Landesbibliothek Oldenburg

Digitalisierung von Drucken

**Mysta In Pulpito Simplex, seu Dissertatio Theologica, De
Simplicitate, Quam Ecclesiasticus Præsul, in suggesto,
Nunquam non, sollicitus ac satagentius obervare debet**

Nitsch, Georg

Wolffenbuttelaë, MDCCXVI

VD18 13021338

Quaestio.

urn:nbn:de:gbv:45:1-13753

ad edomandam vitiositatem insitam, ad terrestria despicienda, ad cœlestia suspiranda &c. Speculationes nos aliquando non sunt secuturæ; sed operationes. Quapropter: *Paulo majora canamus.*

Objicis IV.

Faciunt hæc ad perfectionem intellectus?

Resp. Hæc? Quis illud sibi persuadebit?

Haud pueri id credunt, nisi qui nondum ære lavantur.

Terræ Filii sæpe sæpius muscerdam, pro pipere; arsenicum, pro sacharo; & toxicum, pro melle, avide solent ligurire. Loquatur Martialis:

Turpe est difficiles habere nugas,

Et stultus labor est ineptiarum.

Si facerent etiam ad perfectionem intellectus, do verba excell. Becmanni, Multa tamen alia sunt, ad eandem longe magis facientia, quibus apprehendendis intellectus noster non sufficit, ac proinde istis ut incumbat, tanto minus opus habet. Vid. Lin. Doctr. moral, cap. 3. §. 8. pag. m. 47.

Quæstio.

Numne prudens atque cordatus Doctor, cui rerum cœlestium concredita est dispensatio, citra lesionem simplicitatis, in pulpito sacro, Controversias tractare potest?

Resp. Potest. Exigit id,

I. *Ipsius munus.* Non satis, ut Antistes sit διδακτικός; sed requiritur etiam, ut sit ἐλεγγτικός: non satis, ut de veritate κατασκευαστικός; sed requiritur etiam, ut pro veritate διασκευαστικός. Judæorum instar Hieroso-

E e

lyma

lyma instaurantium, gestet altera quidem manu trullam; altera gladium: trullam, qua ædificet, gladium, quo ingruentes hostes, operique molestos confodiat. Audiatur Apostolus: *Oportet Episcopum affixum esse sermoni fideli, qui est secundum doctrinam, ut potens sit, & ad exhortandum, in Doctrina sana, & ad redarguendum contradicentes.* Tit. l. v. 79. Verum itaque non solum est inculcandum; sed & falsum ad *ἐπισημασμένον* usque refutandum.

2. *Praxis Christi & Pauli.* Quam fortiter ille Saducæos resurrectionem mortuorum inficientes. Matth. 22, 19. quam alacriter hic Judæos, justitiam in operibus legis, coram DEO, collocantes, refutavit. Præclare Doctissimus Guil. Price: *Officium Pastorum est vera docere, falsa dedocere, errori fortiter obstistere, Zelum Elie imitantium in Baaliticos, Pauli in Pseudo-Apostolos, Athanasii in Arianismum, Cypriani in Novatum, Augustini in Pelagium & Manicheos & Donatistas &c.* in arte Concion. pag. 466. Nec minus egregie Tiburinus Pontifex: *Error, cui non resistitur, approbatur, & veritas, cum minime defensatur, opprimitur. Negligere quippe, cum possis deturbare per-versos, nihil aliud est, quam fovere. Nec caret scrupulo societatis occulta, qui manifesto facinori desinit obviare.* C. error. dist. 83. In opere autem præsentis id maxime annitendum, ne quid refutemus, quod non sit error. Audax res est lingua: Impetit non raro hostem, quem nullum invenit. Frater est, quem putat inimicum.

cum. Ulterius: *Error*, quem refutare aggredimur, *ne sit minutulus*; ab hoc enim nihil periculi imminet gregi dominico, semperque in adiaphoris, aut non satis exploratis, liberum fuit inter ingenuos opinari. Unde & istud: *Opinionum varietas & opinantium unitas non sunt aobſcūta; sed fundamentalis, aut fundamentum proxime attingens*; qualis est, v. g. Si quis satisfactionem Christi, cum Socinianis neget; seu, cum Eunominianis statuatur, homini ad salutem tendenti sanctionem vitæ non esse necessariam. Hi & hujus commatis plusculi proprie sunt objectum usus refutatorii, in cathedra ecclesiastica. Non minus comite, quam vere Samuel Maresius: *Habet Theologia domus suas, projecturas atque pergulas, in quibus liberiores sunt cuique obambulationes, salva fide & caritate. Habet Agnus paschalis & carnes, quæ edantur, & ossa, quæ rodantur. Tam difficile est, omnes, in singulis, etiam minutissimis convenire, cum tantum in enigmate, ut monet Paulus, & per speculum nunc videamus, & non nisi ex parte cognoscamus, quam impossibile est singulos inter se voce, manu, vultu, corporis habitu, aliisque conditionibus individuantibus non discrepare: & interpositis nonnullis: In minus necessariis non ita mordicus est urgenda veritas, quin etiam de caritatis vinculo retinendo, serio cogitetur; sed in fundamentalibus & absolute necessariis, in quibus de summa rerum agitur, quæ Christi personam, officium triplex, ac salutis in eo beneficium mere gratuitum spectant, nec non ea omnia, quæ*

in formulis consensus ad Ecclesias inter se colligandas reposita sunt, nullo præpostero caritatis prætextu aliquid licet de veritate remittere; hic neque momento cedendum est. Vid. Orat. de usu & abusu rationis in rebus theol. pag. 638. Superflua itaq; , aut certe non admodum necessaria, quin & ardua & indecisa, à popularibus concionibus sunt removenda: & inter exercitamenta scholarum potius, quàm alimenta animarum sunt habenda. Quæ vero fundamenta fidei quatunt; tremendum nomen Optimi maximi DEI blasphemias impetunt, regnumque cœlorum quocunque modo claudunt, ad hæc talia certe connivendum.

*Quæris! Num omnes errores fundamentales Minister Ecclesie debeat refutare? Resp. Non. Occultos enim & intra domesticos parietes latitantes, quid attingit prodere ac manifestare? Differere de illis, nihil aliud est, quam eos serere. Contra indigenas pugnandum. Qui cum Auctoribus quoque ante multos jam annos sunt sepulti, quid iterum juvat eos refricare, & coram promiscuo Auditorum coetu magnificentius, quin & verbosius de istis agere? Medicamenta sanis data plus nocere, quam prodesse solent. Rectè Amesius: *Hæreses veteres, & jam pridem sepultæ, pro concione non sunt ordinariè nominandæ dum operose refellendæ, & ab inferis resuscitandæ; neque enim tantum otii est Concionatori fideli, ab erroribus & vitiis jam urgentibus, ut aliunde querat materiam**

riam pugnandi, neque facit ad adificationem plebis, ut in blasphemis audiendis, & hæresibus discendis detineatur. lib. 4, 26. §. 35. p. m. 244. de Conscient. Et quemadmodum non omnes errores capitales, in sacro suggestu refellere fas est: sic nec apud quoslibet; nec omni pariter tempore id ipsum fieri oportet. Prudentiâ, cujus effigies ignea illa columna, quæ Israelitis per vesta deserta præluxit, hîc apprimè opus. Ast ratione modi, quænam in refutationibus, observanda ais. Fieri debent

I. *Devote.* Nos non disputando, sed DEUS fle-
ctendo; nos non refutando, sed DEUS trahendo; nos
non pugnando, sed DEUS vincendo efficere potest,
ut profligentur ab oculis mortalium caligio & nebu-
læ. Tam vere, quam pie Joh. Schmidt Theologus,
ἑοικώς ita vocandus: Heutiges ist es mit vielen Theo-
logis in der Kirchen dahin kommen / daß sie meinen / durch
subtile Disputationes und Argumenta könne man den Wider-
sprechern und falschen Lehrern allein das Maul stopffen: die
aber sehr untheologisch davon handeln. Es haben zwar Di-
sputationes und Unterredungen ihren Nutz auch; aber viel
mehr Krafft hat ein eiferig Gebet zu Gott / welches / wann es
nicht für den Disputatiouibus hergehet / wird gewiß wenig
fruchtbarliches ausgerichtet werden / wie man an frechen / auf-
blasenen und hochmühtigen Disputanten siehet / daß ob sie wohl
bistweilen eine gute Sache haben / sie doch durch unzeitige Sub-
tilitât / dieselbe mehr verderben / dann vertheidigen / dieweil
sie alles ihrer Kunst / Geschicklichkeit / Beredsamkeit und der-
gleichen trauen / und nicht einmahl gedencken / daß in solchem
Werck fürnemlich Gott selber die Hand anlegen muß / und

daß er solches thue/ mit eiferigem und andächtigem Gebet/
 muß bewogen werden. Darum alle Theologi und Predi-
 ger / wie auch Studiosi Theologiae, die mit Controversiis
 umgehen und lernen / wie sie die wahre Religion sollen hand-
 haben / Herr D Lutheri Vermahnung / die er an diesem Or-
 te thut / wohl sollen behalten: Contra mendaciter dialecti-
 cantes & dolose rhetoricantes debemus parati esse, ut non
 solum strenuè reclamemus & objurgemus eos; sed etiam ut
 diligenter oremus. Wider lügenhafte Disputanten und be-
 trüglische Schwätzer oder Clamanten / sollen wir nicht allein
 bereit seyn / daß wir ihn ernstlich widersprechen und sie straf-
 fen; sondern auch daß wir darneben fleißig beten. Item: Dis-
 putando nihil proficitur; sed cum verbo externo etiam con-
 jungenda est oratio: Mit disputiren ist nichts ausgerichtet/
 wenn man mit den Widersachern zuthunhat; sondern es muß
 auch das Gebet hinzukommen. Und abermahl Omnis abji-
 cienda fiducia sapientiae nostrae, etiamsi Verbum Dei sit, quod
 pro nobis habemus. In Religions-Streiten muß sich ein
 Theologus ganz und gar nicht auf seine Klugheit verlassen/
 ob er schon gewiß / daß er Gottes Wort für sich hat / und das-
 selbe vertheidiget. Concion. in Ps 120. p. 52. Heu! quotus-
 quisque deprehenditur, id hodie qui observet? Quo-
 tusquisque qui in has pias erumpat voces: *Res ea non
 est operis mei; sed tui, O DEVS auxilii?*

2. *Prudenter.* Judicio ante omnia est satisfaciendum.
 Nisi enim adversarius intellexerit, falsum esse
 atque haëreticum, quod ipse hactenus pertinaci-
 ter ivit defensum, nunquam à sua desistet opinione.
 Frustra clamas: *Absonum hoc! horridum hoc! contra-
 dictorium hoc! Atheologicum hoc!* nisi argumenta,
 prop-

propter quæ id sit credendum, in medium proferas. Argumenta autem firma debent esse ac valida; aliàs non animas; sed risum lucraberis. Ea autem sunt firma ac valida argumenta, quæ ex sacratori Scriptura, quæ utilis, non solum ad docendum, sed ad redarguendum, sunt desumpta. Quæ aliunde, sive sint Patrum, sive Conciliorum, sive doctissimorum quorumque suffragia solent afferri, non à se habent, ut iudicium cogant. Illis tunc demum locus est, ubi quid novum, quid antiquum, sub iudice lis est, ut infirmis, qui nil nisi antiquum sapiunt, consulendum. Nec numero sint plura, cum veritatem ampliores discursus, aut involuant, aut errantibus rixandi præbeant occasionem. *Errorum refutatio*, ut sapienter ille, *non longos fert logos*. Idcirco nimia hic absit diligentia. Omnium quoque apices Controversiarum, ab Oratoribus ecclesiasticis, non sunt operosius excutiendi, ac proponendi. Nam maxima hominum pars vestigiis primorum parentum insistit, & naturæ vitio eligit deteriora. Hacpropter judiciosissime Vir excell. Jerem. Taylor: Kein Prediger soll in seinen Predigten dem Volck vorbringen die Gründe der gefährlichen Ketzeren/ ob er gleich sie zu widerlegen gewisset ist; denn viele werden die Objection leichter behalten als die Antwort verstehen. Vid. Append. Concion pag. 496.

3. *Modeste*. In Scholis Anglicis quomodo tempore Viri celeberrimi Joh. Prideaux S.S. Theol. Doct. ac postea Wigorniensis Episcopi disputationes Theologicae

logicæ sint habitæ, id dolens gemensque sequentibus ipse enarrat verbis: *Ignoscendum est mihi, ait, si apertius loquar, qui nunquam didici adblandiri. Aut paralyti hodie laborant in scholis nostris, majorum in disputando impetus; aut ego, quid sit punctum & robuste agere, parum intelligo.* Cum descendens è monte, una cum Mose, Ex. 32 significasset Josua, se audivisse strepitum pugnae in castris; respondet Moses: *Non est clamor adhortantium ad pugnam vel compellentium ad fugam; sed cantantium potius, (ut revera erat) & circa vitulum saltium. Auditur etiam nimium frequenter in castris nostris Academicis, sibilus & incondita vociferatio: Sed quid? num disputantium prisco fervore, aut argumenta acriter intorquentium? (Facile discernunt advenæ; & erubescunt, qui non possunt excusare) nil profecto minus, sed rixantium, cachinnantium, tumultuantium, instar Bacchi Menadum; diceres Bestiarios potius convenisse in circo, ad tauros canibus exagitandos, quam studiosos in erudito pulvere ad ingenia excolenda; hæret hæc lepra fronti matris nostræ, nec potest tegi quovis dibapho velamine, vel confringenda igitur sunt à Mose nostro statutorum tabula, vel religiosius à vobis sunt observanda. Vid Oper. Theol. pag. 468.* At enim vero in scholis Lutheranorum numne res tractatur quietius? numne placidius? numne humanius? Eandem (neque enim diffitebor) & nos instituere opus habemus querimoniam. Quem, obsecro, latent vociferationes inconditæ? quem motus incompositi? quem invectivæ furiosæ & ceteræ

ver-



verborum five insanix, five petulantix, quando ad publicos conflictus literarios est deventum? Vix tanto clamore (ignoscite, o Mei aut magis agnoscite, quod nunc dicam) feriebatur cœlum, cum ab Hannibale apud Cannas, sexaginta Romanorum cæderentur millia, quanto strepitu manuumque pedumque complosione haud raro contremiscunt pulpita & cathedræ, ut non sine ratione quis anceps hæreat, utrum necessitas magis efflagitet, publico edicto duellis interdiceret, quæ fiunt ferro, an lingua? Die Disputanten in der Religion werden mit solcher Bitterkeit und Sifftigkeit getrieben (ita Scriptor anonymus) daß man meinen möchte / die Disputanten hätten alle Menschlichkeit abgelegt / ehe sie zusammen getreten / von der Theologia zu disputiren. Alibi: Die Polemischen Discursus sind zu Pasquillen und Schmah-Schrifften worden. Ac iterum: Der Disputanten Eifer gehet mehr dahin / daß sie ihres Gegenpartes Namen und Gerücht suchen zu verkleinern / als ihm seines Irthums zu überzeugen. Prohibeat DEUS secundum magnam suam misericordiam, ne hoc malum sacras quoque occupet exedras, atque ibidem dominari ac grassari incipiat, quod nemo ficcis, ut scio, intuebitur oculis, qui se christianum saltem meminerit. Emphatica profecto sunt ista Petrina: *Omnis amaritudo, & ira & indignatio, & clamor & blasphemia tollatur à nobis, cum omni malitia.* 1. Ep. 3, 9. Emphatica quoque ista Paulina: *Episcopum non oportet esse percussorem, non iracundum, non pugnacem; sed moderatum, mansuetum, à pugnis alienum, in lenitate adver-*

F f

sarios



sarios erudientem, 1. Tim. 3, 3. Tit. 1, 7. Nunquam igitur sic ardeat zelus, ut divina ab eodem exulet modestia. Putasne errantem tuæ adstipulaturum sententiæ, si acerbius in ipsum inveheris, & tam dieaci lingua, quam mordaci penna in eum debaccharis? Insignite B. Gesenius: Es hat sehr viel zu thun / daß ein Mensch einen Irrthum / darinnen er lange gesteckt hat / ablegen möge / sonderlich wenn er darinnen aufgewachsen ist. Darum kan man ihn mit Poltern und Pralen / mit Reiffen und Schnarchen / mit Schelten / Berkehern und Verdammnen nicht davon bringen; sondern man muß solches vors erste mit eiferigem Beten zu Gott / zum andern mit liebreichen beweglichen Worten / die aus recht treuen Herzen herfür kommen / und denn mit gewissen und festen Reden und Gründen versuchen und fürnehmen / und dem Irrenden seine Gefahr deutlich und handgreifflich / aus Begierde seiner Wohlfahrt und Seligkeit für Augen stellen; das kan etwas Gutes bey ihm schaffen und ausrichten: Epist. Pred. am Tage der Himmelfahrt Christi / p. 154. Quapropter lenius agere & refutandi modestiâ, adversarii convitiandi libertatem opprimere, cave, o Homo-DEI, obliviscare.

4. *In charitate.* Metropolis quædam est omnium bonorum & totius felicitatis ταμείον, charitatis, concordix mater, ἡ πασῶν τῶν ἀρετῶν προξένος, omnium hæresium victrix atque interfectrix; natas extinguit, & ne nascantur, impedit. Addo: A regno DEI sese separant, qui semetipsos charitate dissociant. Scilicet, alieni a charitate, alieni a divinitate; DEUS enim est charitas. Idcirco Apostolus ἀληθεύειν ἐν ἀγάπῃ præcipit.

cipit. Multi existimant, se non posse veritatem defendere, nisi sint audaces, nisi sint loquaces; nisi sint procaces, nisi sint pugnaces, nisi sint mordaces. Bonarottæ (extitisse eundem ponamus,) æmulantur artem, qui vivum hominem suffixit in crucem, ut expressius Christum pingeret morientem. Nunquam apes, in eorum labris, dicentur mellificasse, ut quondam in Platone; sed aranei, sed scorpiones, & id genus plura alia. Opinionis adversæ asseclam, impietatis, inscitæ, falsitatis, mendacii &c. accusare haud erubescunt, licet non raro lis sit de lana caprina, & de tribus Postumi capellis. Quid? Palatum & linguam, postquam semel succo obtrectationis imbuerunt, linguâ in posterum malunt carere, quàm maledicis scommatibus, flagitiosis sarcasmis, & impuris subsannationibus abstinere. Hoccine christianum? Hoccine viris sapientiæ studium professis dignum? Nonne doctrinæ sinceritas aliter propugnari potest, quam cum errantis illusionem, ignominiosa irrisione, vilipendio, dehonestamento &c? Amica semper sit veritas, sed non minus amica charitas. Medicus morbum evertit, non morbidum: Hunc tu imitare! Ama errantem, ut ut non errorem: Ama hæreticum, ut ut non hæresin; Ama naturam, ut ut non culpam; Ama maledicum, ut ut non maledictum. Ama tandem, non quod hic & iste est, sed quod hic & iste per gratiam DEI aliquando esse potest: Non ejusdem aversionem, sed ejusdem conversionem; Et, verbo ut absolvam, magis

dolendo, quam jubendo; magis monendo quam minando, hanc rem mysticam & spirituales tracta. Sic enim fiet, ut & facilius & felicius, de ipsis contradicentium animis sis triumphaturus. Naturæ humanæ indoles, ut vel me tacente constat, hæc est: Irritatur asperis! Uri & secari facilius sustinet æger, quàm morbi foeditatem sibi exprobrari. Extra verborum itaque amarulentiam, mulierculis, quæ olea vendunt, aut furnos aut balnea calefaciunt, dignam, argue; Etsi tibi iræ sunt tuæ, fac ut adsint quoque gratiæ. Hæ, ne nigros capillos, pro albis; nec albos, pro nigris, in urnam conjicias, fortiter impedient.

5. *Perspicue.* De Seneca alicubi observatum legi, quod, dum ornare elocutionem studuit, non satis mentem suam declaraverit. Scilicet, veritas multo fit clarior atque apertior, ubi omni verborum pompa exiit. Carnem si detrahis, venas nervosque conspicias. Stylum itaque elenchticum ad ingenium popolare tempera. Vita homonymias, quas nonnulli vel captare sciunt, vel declinare nesciunt; Et quoties in refutationibus multas deprehendis interrogationes, multas exclamations, multas synechdochas, multas Hyperbolas, & cœteras Rhetoricationum delicias; toties tecum ipse: *Hic latet anguis in herba!*

6. *Catholice.* Errores in doctrina ex verbo *ὑποπνεύσας* refutare est aliquid; sed requiritur adhuc plus ultra. Scrupulos, quos ratio humana subinde injicit, & ten-

tatio



rationum jacula, quibus piorum animos petere solet
 Cacodæmon, tollere atque eximere addecet Antisti-
 tem Ecclesiæ; Inprimis vero novum istud Evangeli-
 um, quod omnium calamitatum, universum chri-
 stianum orbem inundantium & submergentium est
 causa, fervido Spiritu & aciori virtute, impugnare
 debet atque evertere. Si quæris, quid per novum
 istud Evangelium sit intelligendum, en descriptionem
 D. Pauli Tarnovii, celebri quondam Theologi Ro-
 stochiensis: *Evangelium novum*, inquit, *& falsum*
est persuasio inanis de Christo, seu opinio de gratia &
misericordia DEI, non ex verbo DEI nota; sed ex ar-
cano consilio spiritus tenebrarum, per ejus administrum
serpentem, in fraudem felicitatis primorum hominum ob-
scurius prolata, & post in perniciem posterorum diluci-
dus exposita & propagata, credulitateque singulorum
carnali securitate laborantium conservata, in qua ipse
promittit immunitatem culparum & pœnarum, salutem-
que omnibus externum DEI cultum præstantibus & ve-
rum Christianismum ore profitentibus, corde abneganti-
bus, & inani ista persuasione, bona, solis vere constan-
terque fidelibus promissa etiam ad se, pœnitentiam inter-
nam non agentes, sed externam & simulatam ostenden-
tes, pertinere statuentibus. Adversus hunc hostem
 omnia tela, ut dixi, sunt adhibenda; nam quoad ipse
 viribus valet, cœteræ aliæ, ab Heterodoxis reporta-
 tæ victoriæ, ecclesiam servare non possunt. Tan-
 dem, nec id omittendum: Disputator semetipsum

prius convincat necesse est, summum ac maximum sese esse peccatorem, quæ ars disputatoria omnium est beatissima ac quæstuosissima. Wer sich kan überwinden (ita eleganter **Ægidius Henning**) daß er glaubet / er sey unter allen Sündern der vornehmste und grössste; wer sich selbst kan widerlegen und überwinden / der ist recht vernünfftig / und hat die seltsigste Disputir-Kunst gelernet. Sonsten achte nicht eines Pufferlings werth dieselbe / welche andere ihrer Eitelkeit überweist / ihre eigene aber weder siehet noch glaubet. Ja eben daher kommet eitel Dunst / der jückende Lust / andere zu urtheilen und zu verdammen; Zänckerey und Rotten; der verdüsterte Sinn / daß man immer lernet / und doch immer zur rechten Erkänntnis Gottes und seiner selbst kommet; das schändliche Verkehren; das liederliche Verurtheilen; die greuliche Lieb zu seiner Meynung; die Anspenung der einfältigen Wahrheit. Mit einem Wort: alles verkehrtes im Verstand und Willen.

Quæstio.

Respuitne omnes in universum novas interpretationes simplex suggestus?

Resp. Per novas interpretationes istas intelligo, ubi quis hunc vel illum Scripturæ textum aliter explicat, ac à cœteris Ecclesiæ Doctoribus consuecte fieri solet, attamen juxta analogiam fidei, & cum apodixi seu demonstratione. Tantum vero abest, ut ejuscemodi interpretationes nauset simplex cathedra, ut potius appetat & exosculetur easdem. Ratio, quia

I. *Scriptura sacra hoc modo intelligitur punctius.* Ante Concilium Nizænum plerique prisicæ Ecclesiæ Doctores, si satis dilucide, certe non satis circumspecte,
de